

欽定四庫全書

子部

普濟方卷二百八十九



南京中醫藥大學圖書館版權所有

詳校官太醫院吏目臣朱桂

編修臣倉聖脈覆勘

周王朱橚撰

和氣

胃氣

為癰疽是也此內本於
於府俞之間得之乳石
熱經絡為之不通毒氣
之人於居處衣食嗜慾

喜怒尤宜節慎一有過舉則毒氣乘隙而發初如芥粟
治之稍緩則盈尺寸而難圖故始覺熱搏於分肉痛傷
於經絡宜速治之蓋其脉不通則腫毒增甚經所謂榮
氣不從逆於肉理乃生癰腫是也血敗肉腐為患不一
實則為癰浮則為腫深則為疽然發於背者兩髀間初
起甚微或癢或痛往往忽之數日遂致不救者治之之
始則度其腫之正中而灸之壯數逾百使惡氣外出次
以藥踈利腑臟決其邪毒則有可治之理○凡發背皆

因服食五石寒食更生散所致亦有單服鍾乳而發者
又有平生不服而自發者此是上代有服之者其候率
多於背兩髀間起初如粟米或痛或癢仍作赤色人皆
初不為事日漸長大不過十日遂至於死其臨困之時
已潤三寸高一寸瘡有數十孔以手按之諸孔中皆膿
出尋時失因所以養生者小覺背上癢痛有異即急取
淨土水和為泥捻作餅子厚二分潤一寸半以粗艾大
炷灸泥餅上即貼着瘡上灸之一炷一易餅子若粟米

大時可灸七餅子即瘥如榆莢大灸七七餅炷即瘥如錢大可日夜灸不限炷數仍服五香連翹湯及鐵漿諸藥攻之乃愈又法諸發背未作大膿可以冷水洗之浸石令冷熨之日夜莫住瘥乃止此病忌麪酒五辛等亦有當兩肩上發者○凡服石人皆須勞役四體無令自安如其不爾者多有發動亦不得逐便恣意取煖稱已適情必須遺欲以取寒凍雖當時不寧於後在身多有所益終無發動之慮耳○凡腫起背髀間頭白如黍粟

四邊相連腫赤黑令人悶亂即名發背也禁房室酒蒜
肉麪若不灸治即入內殺人若灸當瘡上七八百壯有
人不識多作雜腫治者皆死○背疽其原有五天行一

瘦弱氣滯二怒氣三腎氣虛四飲火酒食炙煨物服丹

藥熱毒五蓋治背疽不可一槩將為熱毒其治之難易

當自一而至五○病有殆甚而生有至微而死病證難

辯死生何足決乎蓋發背透胸者死不治

此言肝俞已上

未潰

肉陷面青唇黑便汚者死

此言壞臟便下瘀血

潰喉者不治陰入

腹者不治入囊者死鬚深及數日不治

謂如及寸餘者

在頤後

一寸三分毒銳者不治無此生流注雖多療之必愈○

發背之人雖云有熱未有不自腎虛而得之者若疽疾

減退五分之後便合依法五更初服山藥丸或加八味

丸○背疽嘔逆乃是毒氣衝心非脾胃之冷當服內托

散楊氏家藏方云有人因鼻衄初愈不曾表汗餘毒在

經絡背發大疽自肩下連腰脇腫其腎如石色極紫黑

醫以涼藥服之中夜大嘔乃連進此藥三四服嘔遂止

既而瘡潰出赤水淋漓四十日而愈又有患瘰癧者痛過即嘔服此藥嘔亦止近見有人病疽醫者不肯用此藥為恐傷脾胃愚故引楊氏之言以解世人之惑○凡發背疽之後不曾服內托裏散致使熱毒衝於心經必使發於咽喉口舌生瘡甚至黑爛合先服犀角散以解散其毒免有此證○凡有背疽之人難於隱几但用萊豆十斛作一大袋隱伏則自然心涼身體安穩飲食居處依法戒忌已安後半年間血氣未定猶當謹之不廢

藥餌方能保全

外科精要云史氏叙源幼時學舉業全不知醫藥甲申年自太學歸省國醫常

穎士器之適在府下求為母氏一診云有蘊熱必渴時母氏不飲大畧喜水又云但防作瘡覺便着艾於上熱盛則五花灸之謂中及四傍隨赤到處灸非方停也切記至辛巳年六月望日母氏忽言脾脾間欲癢視之有赤半寸許方有白粒如黍粟記器之言乃急着艾其赤隨消至二十七壯而止信宿復覺微痛視之有赤下流長二寸濶如韭菜舉家不悉皆以前灸為悔親戚交責謂赤熱如何用火詆器之者遂呼外醫用膏藥覆之益甚一日夜增一暈至二十二日衡斜約六七寸痛楚殆不勝間一呻吟聽之心碎蒼皇詢告或云等茲四寺老智全者前病瘡甚大得灸而愈奔問之全云劇時昏不知但小師輩言范八奉議守定灸八百餘壯乃方甦約艾一篩爾亟歸白之見從如以銀杏作炷其上十數殊不覺乃截四傍赤引其炷減四之三皆覺痛七壯後覺

痒每一炷燼則赤隨縮入灸至三十餘壯赤暈微退病者信遂以艾作團梅杏大灸其上漸加至雞黃大約四十團方覺痛視火焦處已寸餘蓋灸之遲而初發處肉已壞攘盛隔至好方痛爾四傍知痛者肉未壞也又有言一潘殿直居城南施瘡藥每發源即再拜邀請時已薰黑火炆滿背潘以手按瘡五六寸許試之云瘡高阜而熱不妨且云只怕不高而熱氣者病者食粥訖安寢前此六夜不寢至曉示之瘡如覆一甌突然高三四寸上有百數小竅色正黑以千金所說與潘氏高阜之言求之突然高者毒氣出外而聚也百數小竅者毒未聚而浮攻皮膚也色正黑者皮與肉皆壞也非艾火出其毒於壞肉之裏則五臟畢矣至是方悟明堂圖與煙蘿子所畫五臟在背如懸掛然今毒行分肉間待其外穿則內虛外實虛則易入實則難攻較然可見而聽庸醫用尋常赤腫敷貼涼冷藥以清散之此借寇兵也原痛自咎為人子不知醫致親疾危甚荷神明扶佑於瘡壯

問問之艾邊已危而獲安○醫學類證論曰治發背發腦發鬚丁瘡鬼箭躬魚劑等一切惡瘡無不靈驗方小覺有患便用蒜橫切片子如兩重紙厚貼在瘡以菜豆大艾圓子灸之待痛稍可忍即漸大作圓灸痛又可忍便除蒜灸之若是正發背二日內灸者十得十愈四日內灸者十得七八六日內灸者十得五六八日內灸者十得一二十日以後灸即不得力若得活者即是熱毒瘡非發背也凡發背者灸無多少定數但初痛候不痛即住若初不痛候痛即住然則大約如此若住火後又腫及痛者即須更灸候不腫不痛即住火每患一个瘡或灸三百圓或灸五百圓或一千圓或二千圓以差為度或若患三个五个瘡直須各各用前法灸之候不腫不痛然後用膏藥貼之或問曰何以知是正發背與熱毒瘡愚應之曰若有患者待請人識認得是正發背或是熱毒瘡即已遲也何異咨大人而求救火者哉古人云面無好靨頭無惡骨背無好瘡但依此灸之不須識

別也或問曰前言醫一切惡瘡後但灸發背而已何也
愚應之曰瘡中人言醫不得者發背也今若早灸無有
不驗則其餘不言可知也或曰或遇春夏火正王相得
行灸乎若灸多得無火毒入心乎愚又應之曰此是未
知灸法之人也千萬勿信○本事方云元祐三年夏四
月官京師疽發於背召國醫治之不愈勢益甚得徐州
蕭縣人張生以艾火加瘡上自旦及暮凡一百五十壯
知痛乃已明日鑷去黑痂膿血盡潰膚裏皆紅亦不復
痛始別以藥傅之日一易焉易時旋剪去黑爛惡肉月
許瘡乃平是歲夏間京師士夫病疽者七人余獨生此
雖司命事然固有料理不知其方遂至不幸者以人意
論之可為慨然○儒門事親書云一富家女子十餘歲
好食紫櫻每食即二三斤歲歲如此至十餘年一日朝
目如熱勞戴人診其兩手脉皆洪大而有力量謂之曰他
日必作惡瘡腫毒熱上攻目陽盛陰脫之證其家大怒
不肯服解毒之藥不一二年患一背疽如盤痛不可忍

其女忽思戴人曾有是言再三悔過戴人戴人以銚鍼
繞疽暈刺數百鍼去血一斗如此三次漸漸痛減腫消
微出膿而斂將作痂時使服十補內托散乃痊終身忌
口然目亦昏終身無子○凡背瘡初發便用藏用丸玉
燭散大作劑料下臟腑一二十行次用排針於腫焮處
循紅暈周圍內密刺三層出血盡以濕軟帛拭去血甚
者百會委中皆出後用陽起散傳之不可便服十味內
托散其中犯官桂更用酒煎男子以背為陽更以熱投
熱無乃
太熱乎

方

二烏丸

治發背托裏定痛驅風毒涼血脈

一名萬靈丸

羌活

去苗

薄荷葉

各三兩

川芎

三味不見火

玄參

地榆

麻黃去根節 蔓荊子去白膜 旋覆花去萼蒂 荊芥穗各二兩

防風去義蘆 天麻 白芷不見火 白殭蚕直者去絲足口炒 牛

蒟子炒各二兩 甘菊花三兩 大川烏去皮尖炒 何首烏各四兩 粉

草炙四兩半 蟬蛻洗去土前足半兩

右為細末煉蜜丸如彈子大每服一丸食後細嚼茶

酒任下

大黃膏 治發背疼痛日夜不可忍塗傳

大黃劉 雄黃研 芎藭 黃連去鬚 白芷 檳榔劉當

歸切木香

桂去粗皮

黃蘗去粗皮

芍藥

附子去皮乳

香

研麒麟竭

各半兩

雞舌香

麝香

各一分

猪脂一斤

右為末拌勻先於銀器內熬猪脂令沸去筋膜下諸

藥末調成膏塗患處日三上以差為度

竹葉黃耆湯 療癰腫已散自利虛熱不除宜服

竹葉

切三分

黃耆

四兩

小麥

一升

芍藥

三兩

甘草

炙

一兩

石膏

二兩研

人參

二兩

升麻

一兩

茯苓

二兩

七分

桂心

六分

一分

當

歸

歸三兩乾棗

十四枚

五味子

三兩

生薑

三兩

乾地黄

一兩

麥門

冬

三兩
去心知母一兩

右切以水一斗二升煮竹葉小麥取九升去滓內藥

煮取三升溫分四服

千金托裏散

出儒門
事親書

治一切發背疔瘡

連翹

二兩
二錢

黃耆

一兩
半

厚朴

防風

桔梗

各一兩

川

芎

白芷

芍藥

官桂

甘草

各一兩

木香

沒

藥

各三錢

乳香

三錢
半

當歸

人參

各半兩

右為末每服三錢用水一大盞煎三沸和滓溫服